

Kodeks ponašanja za dobavljače HeidelbergCementa

(čija primjena je obavezna za sve članice HeidelbergCement Grupacije, uključujući Tvornicu cementa Kakanj d.d. Kakanj i TBG BH d.o.o. Kakanj)

U principu, naše poslovne aktivnosti su podložne lokalnim nacionalnim zakonima i regulativama koje se bave zaštitom okoliša, sigurnosti proizvoda i pitanjima društvene odgovornosti. Prije svega, politika HeidelbergCementa je da zvanično traži od svih svojih dobavljača da poštuju principe sadržane u *Kodeksu ponašanja za dobavljača* i da usvoje prakse koje su u skladu s njima.

Kroz *Kodeks ponašanja za dobavljače*, koji se zasniva na *Kodeksu poslovnog ponašanja* HeidelbergCementa, tražimo da se u našem lancu nabavke poštuju međunarodni standard društvene odgovornosti SA 8000 i okolinski standard ISO 14001, kao i principi Međunarodne organizacije rada.

Ovaj *Kodeks ponašanja za dobavljača* primjenjuju se u cijeloj HeidelbergCement Grupaciji i čini temelj za sve ugovorne odnose. HeidelbergCement cijeni blisku i produktivnu saradnju sa svojim dobavljačima. To znači, ako su propali svi naponi da se otklone pitanja koja su u suprotnosti sa *Kodeksom ponašanja za dobavljače*, ili ne postoji spremnost dobavljača ili se plan rada ne može implementirati unutar dogovorenog vremenskog okvira, u konačnici će uslijediti raskid ugovornog odnosa.

Kodeks ponašanja za dobavljače

Kodeks ponašanja za dobavljače HeidelbergCementa obavezuje dobavljače na sljedeće:

Radni uslovi

1. Dobavljači ne smiju koristiti rad djece ni u kojoj fazi proizvodnje. Dobavljači su obavezni da poštuju konvenciju Međunarodne organizacije rada koja propisuje minimalnu dob za dozvolu za zapošljavanje.
2. Plate i beneficije trebaju biti u skladu sa osnovnim principima u pogledu minimalnih plata, prekovremenog rada i zakonom propisanih beneficija.
3. Ne smije se koristiti bilo koji vid prisilnog ili obaveznog rada, a zaposlenici trebaju biti slobodni da napuste posao nakon davanja otkaza.
4. Od dobavljača se očekuje da poštuje prava zaposlenika na slobodu udruživanja u sindikat i da priznaje prava zaposlenika na kolektivno pregovaranje gdje god to zakon dopušta.
5. Radnici trebaju imati sigurne uslove rada koji ne narušavaju zdravlje i koji su u skladu ili premašuju standarde zaštite na radu.

Standardi zaštite okoliša

1. Poslovne aktivnosti dobavljač obavlja vodeći računa o zaštiti okoliša što uključuje usklađenost sa svim relevantnim propisima u predmetnoj zemlji
2. Svi proizvodi i usluge se isporučuju poštujući zahtjeve zaštite okoliša, te zahtjeve u pogledu kvalitete i sigurnosti navedene u relevantnim dijelovima ugovora, i bit će sigurni za svrhu kojoj su namijenjeni.

Poslovna etika

1. Poslovi će biti pošteno i sa integritetom provođeni.. Neće biti plaćanja, usluga, zabave, poklona ili drugih probitaka ponuđenih ili danih bilo kom uposleniku HeidelbergCementa ili trećoj strani kojim se namjerava uticati na njegovu ili njenu obavezu. Slično tome, HeidelbergCement neće ponuditi ili dati platiti, učiniti uslugu, dati poklon, zabavu ili drugi probitak bilo kojem dobavljaču na način da utiče na njegovu ili njenu obavezu.
2. Moraju se poštovati ljudska prava. Maltretiranje ili diskriminacija zaposlenika u bilo kom obliku nije prihvatljiva. Ovo uključuje, ali nije ograničeno samo na, pitanje spola, etničkog porijekla, boje kože, religije, seksualne orijentacije, invaliditeta ili godina.

Završni komentari

1. Od svojih direktnih dobavljača HeidelbergCement očekuje da preuzmu odgovornost i da traže da se njihovi direktni dobavljači pridržavaju principa navedenih u *Kodeksu* i da ustraju u primjeni ovih principa u lancu svojih dobavljača.
2. Očuvanje ovih standarda je dugotrajni proces učenja i razvoja. Radit ćemo zajedno sa našim dobavljačima u pravcu usklađivanja i stalnog praćenja i revizije ovih principa, ako je to potrebno.

Dr. Dominik von Achten
Član Upravnog odbora HeidelbergCementa
Dominik.vonAchten@heidelbergcement.com

Henk Sijbring
Direktor nabavke HeidelbergCement Grupacije
henk.sijbring@heidelbergcement.com

Pravni tekst klauzule za Grupacijske i lokalne ugovore

Cilj Kupca/podružnice Kupca je da sve aktivnosti i sav posao u vezi sa ovim Ugovorom i/ili Pojedinačnim lokalnim ugovorom obavljaju u saglasnosti sa međunarodno priznatim osnovnim okolinskim, radnim i društvenim standardima. Kupac je ugradio zahtjeve održivosti koji proizlaze iz *Kodeksa ponašanja za dobavljače HeidelbergCementa* u Prilog ugovoru br.____. Dobavljač i/ili podružnica dobavljača je dužna u svakom pogledu ispoštovati *Kodeks ponašanja za dobavljače HeidelbergCementa*.

Dobavljač i/ili podružnica dobavljača se nadalje obavezuje da osigura da svi njegovi podugovarači poštuju ove standarde i zahtjeve na isti način.

Po zahtjevu, Kupcu i/ili njegovoj podružnici bit će omogućeno da provjeri i verifikuje da se Dobavljač i/ili podružnica dobavljača pridržava *Kodeksa ponašanja za dobavljača HeidelbergCementa*.

Ako Kupac i/ili njegova podružnica primijeti da se Dobavljač i/ili podružnica dobavljača ne pridržava *Kodeksa ponašanja za dobavljače HeidelbergCementa*, onda je Kupac i/ili njegov podružnica ovlašten da – ako je potrebno nakon opomene - prekine ovaj Ugovor i/ili Pojedinačni lokalni ugovor tokom čije se provedbe ne poštuje *Kodeks ponašanja za dobavljače*.